

EPICÆNESES,

SCRIPTA PER ORNATISSIMUM virum, Dominum M. Valentinum Rotmarum, in honorem PRÆSTANTISSIMORVM VIRTUTE AC ERVDITIONE iuuenum, Ioachimi Fabri, Ioannis Clostermair, Ioannis Ramspeckh, Ioannis Lang, Vuolphgangi Prugberger, Martini Zenckel, Christophori Streitel, Georgij Pogner, cum summam in Philosophia lauream consequerentur Ingolstadij.



Nelyta uirtuti semper sua premia sacre
 Esse docent ueterum clarè monumenta sophorum.
 Amphitryoniades (ueterum modo scripta sophorum
 Vera canant) heros Cretæ cum cederet Ida,
 Hic ubi Dictæis tunc à Curetibus infans
 Iupiter occultè primis aleretur in annis,
 Graia bis binis comitatus fratribus arua
 Venit, Olympiacis & constitit Elidos agris.
 Ille sed ad magnos iam tum ducentibus ausus
 Viribus & satis, ferus ad certamina fratres
 Inuitat, rapidoq; uelint contendere cursu
 Horatur, preciumq; uiris & premia ponit.
 Illius ut gnati possint meminisse minores,
 Hos iubet esse ratos, quintòq; referri anno
 Ludos, hos numerum sectatus in ordine fratrum.
 Ergo minor, sed enim hunc morem studiosus etas
 Accipit, & quantum quoties redisset in orbem
 Phœbus, Olympiadem dicunt quæ tempora Graij,
 Omnis arenosis concurrunt Græcia campis.
 Cursibus hi, pedibusq; leues certare parati,
 Castibus ast illi candemia brachia lassant,
 Hic certatur equis, hic curribus itur in altis,
 Illic athleticis sua sunt certamina uafis.
 Aut iaculo, uel qui disco contendere malint,
 Aut quicumq; feris confligunt fortiter armis.
 Artis erat partim, partim res uiribus ista,
 Corporis & solido firmati in robore stabat.
 Non tamen illa suo caruit uictoria dono,
 Et rata cedebant generose encomia laudi.
 Primus Olympiacam gestas Oeone coronam,
 Et tu Tegeates eadem tibi munera queris,
 Quem sequeris uictor falcatis Same quadrigis,
 Et iaculo Phrastor, discòq; illustris Emipeu.
 Quid iuuat Eleum uersu memorasse Corcebum,
 Atq; alios multos? teretis quos ramus oliuæ
 Auxit honore nouo, caput & decorauit honestum,
 Siue Palatini Permessis Apollinis arbor,
 Aut apium uiuax, aut garrula littore pinus.
 Si uel Olympiacis uicissent fortiter aruis,
 Aut qui Phebe tuo superasset Pythie circo,
 Isthmia uel ferret uictor quicumq; trophæa,
 Aut qui pugnasset Nemeois impiger agris.
 Talia uictori primis data premia ludis,
 Post maiora tamen, tacitè labentibus annis,
 Accessere suæ foelici munera lauro.
 Principio sunt parua suo uelut omnia primo,
 Sed crescente tamen scandunt ad summa uigore.
 Tu quoq; Roma, caput mundi, spectacula quondam
 Munere consimili latis celebrata theatris
 Soluisti, seu gramineis fera membra palestris

Lassares, seu precipites in puluere currus,
 Siue eques alipedes uelles domitare caballos,
 Curuare sue arcus, aut spicula dura lacertis
 Torqueres, siue æquoreis agitata procellis
 Nautica præscriptam nauis decurreret undam.
 Maior at illius superabat gloria ciuis,
 Barbara qui patrijs auerterat agmina muris,
 Et longe Hesperia tumidos eiecerat hostes.
 Aut procul à patrijs populum qui Martius oris
 Conuiderat stricto foeliciter esse rebellem.
 Ille triumphali capitolia ad ardua curru
 Rite uehebatur, uictos & uictor agebat
 Hostes: hinc illinc Romana potentia stabat
 Spectatrix tantorum operum, exhaustiq; laboris.
 Hi tibi magne dati quondam Dictator honores,
 Cum tua sudisset Veientes dextra cateruas:
 Ecce omnis tibi se portus effundit apertis
 Obuia Roma ruens referenti signa Camille.
 Tu sublimis ades, curruq; uidendus in alto es,
 Bis binis inuectus equis candore superbis.
 Quales æthereo memoratur magnus olympo
 Iupiter, aut nitidum candens agtasse per orbem
 Creditus inspidis Phœbus mortalibus olim,
 Victorum post magna ducum præcedere turba
 Visa Camille tuos, sequitur plebs cætera currus,
 Et quæ parta tibi dextra spoliâ ampla trabebas.
 Quid moror? exile haud quicq; minus atq; decorum,
 Magnificumq; minus. Tales non Roma triumphos
 Viderat exactis unq; bellata diebus.
 Maximus hoc etiam Fabius donatur honore,
 Millia Samnitum tripli cum multa dedisset
 Letho, & multa feris miles cœpisset in armis.
 Quid mea Papyrios, quid clarum Musa Metellum
 Commemores uersu? Tyrium aut qui conuudit hostem,
 Cuiq; insigne suo de nomine barbara nomen
 Africa contulit, quos omnes Roma triumphis
 Illustres uidit, letoq; incedere curru.
 Te tamen, ô fortis, non enumerasse nefandum,
 Pompei, cuius super ardua sydera nomen
 Exijt, egregijs quondam prælustre trophæis.
 Iulius Aeneides celebri quem nomine Cæsar
 Insequitur, cuius totum uulgata per orbem
 Quinq; refert nobis exactos fama triumphos.
 Sic sua semper erant animosæ premia laudi,
 Et donata suis stabant benè gesta trophæis.
 Non opus ulterius mon'rari. Non minor illis
 Gloria, præclaras solers quicumq; per artes
 Exerueret caput, quos improbus haud labor unq;
 Euicit, durisue ugens in rebus egestas.
 Illa quidem data magna uiris, sed premia longo

Concisura die: quæ dantur munera doctis
 Aeternum mansura sophis, non temporis ullos
 Accipiunt auidos, quod destruit omnia, morsus.
 Namq; suos fama quanq; super ignea Mystas
 Astra uehit Phœbus, totoq; celebrat in orbe,
 Perpetuumq; sophis nomen, laudesq; perennes
 Largitur, quicumq; sacras iuere per artes,
 Aonidumq; tenent mysteria docta sororum,
 Non tamen ipsa etiam quondam tam passa uetustas
 Sacros sudores, indeffessosq; labores
 Incassos, Mystasq; suis eguisse corollis.
 Prouida magnificos sed enim decreuit honores,
 Largaq; constituit non ullo premia Mystis
 Interitura die, dum lucida sydera cœlum,
 Dum uehit annis aquas, dum fluctibus æquor inundat.
 Quis modo Cecropium possit cognosse Platonem?
 Aut sciat Actæum nostrum nunc tempore Mystam?
 Ingenio sed uterq; suo super ardua notus
 Astra, sibi famam scriptis peperere perennem.
 Tullius ipse suo Romani fulmine uiuit
 Eloquij, Torrente tuo, quo Manua gaudet,
 Notus es æternum Lattalis Homere per æuum.
 Ipse etiam Lyricis uates qui regnat in odis,
 Imparibusq; modis uiuit Sulmonis alumnus.
 Hæc ego Olympiacis multo maiora coronis,
 Hæc ego magnificis, quibus olim uasta, triumphis,
 Roma superbiuit, statuis hæc premia cunctis
 Prætulerim, aut quicumq; alij numerantur honores.
 Foelices iuuenes, sacras sudoribus arces
 Palladis & quibus aonij consendere montis
 Culmina concessum, atq; artes edificere dulces.
 Hos inter iuuenes Ioachimus in ordine primus
 Sudauit socium princeps Faber esse suorum,
 Conspicuis docta quem Clostermarius arte
 Insequitur, doctusq; simul Ramspeckhius, inde
 Langus, & Brutpergerus, Zenckhelius atq;
 Tu quoq; Streiteli Mystarum haud infime, tuq;
 Dignus es ingenua Sophie Pogneræ corona.
 Foelices iuuenes, maiori carmine digni,
 Quos uia nunquam, quæ ducit ad ardua, uicit,
 Quis labor atq; frequens sudor studiumq; perenne
 Inferius cessit, quos oia nulla Venusq;
 Detinuitq; suo Nyseus munere Bachus
 Foelices iuuenes, quos hæc docerier artes
 Coniigt, & talis quis non peritura corona
 Parta, per immensos & tanta trophæa labores,
 Pergite Pierias iuuenes adamare camœnas,
 Altaq; magnificum sub sydera tollite nomen.
 Hæc canit, & manuum uobis monumenta suarum
 Ingenui donat pignus Rotmarus amoris.

INGOLSTADII EXCVDEBANT ALEXANDER ET SAMVEL
 Vueiffenhornij fratres. Anno M.D.LXVI. Mense Ianuar.

